



Npi – 01/48 datë: 31.01.2024

Duke u bazuar në nenin 43 dhe 49 të Ligjit për Vetëqeverisjen Lokale, Nr. 03/L-040, si dhe në bazë të nenit 3.13 të Rregullores së Punës së Kuvendit dhe Komiteteve, Npi – 01/114 të datës: 26.04.2019, për mbledhjen e Kuvendit të Komunës, të mbajtur më: 31.01.2024, është nxjerrë ky:

E K S T R A K T  
PROCESVERBAL

I MBLEDHJES SË -I- TË RREGULLT TË KUVENDIT TË KOMUNËS SË SHTIMES  
E thirrur për datën: 31.01.2024, (e mërkurë) në ora 09.<sup>oo</sup> h. në sallën e Kuvendit.

Në mbledhje kanë marrë pjesë, Kryesuesi i Kuvendit: z.Adnan Ademi, Anëtarët e Kuvendit: z.Besnik Seferi, z.Gëzim Haxhiu, z.Asllan Beqaj, znj.Shkurte Mustafa, znj.Saniye Sadiki, znj.Zejnije Veliu, z.Kadri Emini, znj.Rrezartë Ramadani, z.Muhamet Ademaj, z.Artan Lubovci, z.Përparim Ramusa, znj.Adelina Beqaj, znj.Albana Podvorica, znj.Besartë Musliu-Spahija, z.Rrahman Jakupi, z.Lumni Amrushi, z.Hasan Avdyli, z.Hamëz Tërshani, z.Reshat Mujota, dhe z.Rexhep Gashi.

Në mbledhje përveç anëtarëve të Kuvendit kanë marrë pjesë edhe: Kryetari, z.Qemajl Aliu, Drejtorët, Shefja e Kabinetit - znj.Anita Kurti, ZKF-znj.Kimete Ukaj, RZSH - Muhamet Hoxha, Asistente e Kryesuesit - znj.Gentiana Mehmeti, Zyrtarët e IT-së, Zyrtare e Informimit - znj.Vlora Hyseni dhe praktikantet, znj.Valmira Hoxha, znj.Sadbere Halili dhe znj.Donjeta Qorrolli.

Mbledhjen e hapi Kryesuesi i Kuvendit, z.Adnan Ademi, i cili pasi përshëndeti të gjithë të pranishmit Konstatoj, Kuorumin e mjaftueshëm për mbajtjen e mbledhjes së Kuvendit. Për këtë mbledhje kemi propozuar këtë:

REND DITE

1. Shqyrtimi i Ekstrakt Procesverbalit nga mbledhja e mbajtur më: 15.12.2023,
2. Draft-Rregullore për Taksa, Tarifa dhe Gjoha për vitin 2024,
3. Raport Vjetor Buxhetor (shpenzimet) për vitin 2023,
4. Draft-Rregullore për caktimin e orarit të punës për bizneset në Komunën e Shtimes (Pas diskutimit Publik),
5. Draft-Rregullore Komunale për Transparencë, (për diskutim publik),
6. Draft-Plani i veprimit për transparencë komunale 2024-2028, (për diskutim publik),
7. Raport i Punës së Kuvendit për vitin 2023,
8. Propozim-Vendim për zgjedhjen e Komisionit për ndarjen e titujve të nderit,
9. Draft- Programi Strategjik për ujërat në Komunën e Shtimes, (pas diskutimit publik)
10. Propozim-Vendim për ndarjen e subvenc. për nënat Lehona për fëmijët e lindur në vitin 2024,
11. Propozim-Vendim për Inicimin e procedurës të themelimit të Ndërrmarrjes Publike Lokale për kryerjen e shërbimeve publike në Komunën e Shtimes.
12. Raport i Punës të Këshillit Komunal për Siguri në Bashkësi për vitin 2023,
13. Pyetje – Përgjigje,
14. Informatë nga Drejtoria për Administratë për vitin 2023.

**Kryesuesi, z.Adnan Ademi;** Hapi diskutimin për rendin e ditës.

**z.Rexhep Gashi;** Përshëndetje, nuk pajtohem me rendin e ditës, sepse pika pyetje-pergjigje duhet të jetë si pikë e dytë e rendit të ditës. Arsyeja është se drejtorat nuk po janë prezent as në mënyrë

fizike, dhe nuk po i kthejnë përgjigjet, dhe në fund po shihet që nuk janë drejtorat prezent në mbledhje.

**z.Hasan Avdyli;** Përshëndetje, sa i përket rednit të ditës, unë e propozoj një pikë shtesë, që të shqyrtohet kërkesa e humanistit Ramiz Kadriu, e që besoj e keni marrë këtë kërkesë. Ju ftoj ta mbështesni këtë donacion.

**z.Besnik Seferi;** Përshëndetje, po ndërlihem me propozimin e parafolsit, e di kërkesën e tij edhe e kam pa. Kërkoj që kërkesa të specifikohet mirë në detaje dhe pastaj ne ta shqyrtojmë. Prandaj unë nuk mendoj që duhet të diskutohet sot për atë kërkesë pa u sqaruar gjërat mirë.

**z.Kadri Emimi;** Përshëndetje, i urojë detyrën e re drejtorit të Bujqësis z.Gojart Bajramit suksese. Te rendi i ditës është një kërkesë nga Davidovci për një parcelë për destinimin e saj për varreza, unë kërkoj që pengesën ligjore ta bëjë publike drejtori i DPUKGJ-së dhe të diskutohet në Kuvend. Edhe kërkesa e Ramiz Kadriut të specifikohet edhe pastaj të vjen në Kuvend. Jam për këtë rend dite.

**z.Përparim Ramusa;** Sa më kujtohet ju Kryesues keni premtu që ka me qenë pika e dytë mbaje premtimin. Kuvendi duhet të diskutojë edhe nëse ka pengesa ligjore as ne nuk jemi me miratim me pengesa ligjore. Jemi për zgjerimin e varrezave në Davidovc.

**Kryesuesi, z.Adnan Ademi;** Konstatoi Kuorumin prej 21 anëtarëve prezent në mbledhje.

**\*Kuvendi i Komunës së Shtimes, me 11 vota “Për”, me 10 vota “Kundër” dhe me 0 vota “Abstenim” miratoi rendin e ditës.**

#### Pika 1

##### Shqyrtimi i Ekstrakt Procesverbalit nga mbledhja e mbajtur më: 15.12.2023

**Kryesuesi, z.Adnan Ademi;** Hapi diskutimin për këtë pikë.

**z.Rrahman Jakupi;** Përshëndetje, ky procesverbal nuk ja vlen me u votu sepse është i varfër në përmbajtje. Kërkoj që ky procesverbal të përmirësohet.

**z.Reshat Mujota;** Përshëndetje, edhe unë kam shqetësimet e mija për procesverbal, prandaj nuk e votoj dhe jam kundër këtij procesverbal. Ja ke hup kuptimin fjalëve në diskutimin tim, sepse nuk ka drejtori për buxhet.

**znj.Albana Podvorica;** Përshëndetje, nuk pajtohem me procesverbalin për devijimin e pyetjeve. Kërkoj që pyetjet të vendosen ashtu siq kanë ndodhë.

**Kryesuesi, z.Adnan Ademi;** Konstatoi Kuorumin prej 21 anëtarëve prezent në mbledhje.

**\*Kuvendi i Komunës së Shtimes, me 11 vota “Për”, me 7 vota “Kundër” dhe me 3 vota “Abstenim”, miratoi Ekstrakt-Procesverbalin nga mbledhja e mbajtur më 15.01.2024.**

#### Pika 2

##### Draft-Rregullore për Taksa, Tarifa dhe Gjoha për vitin 2024

**Kryesuesi, z.Adnan Ademi;** Para se të hapi diskutimin për këtë pikë, fjalën ja jap Kimete Ukaj.

**z.Kimete Ukaj, ZKF;** Përshëndetje, bazuar në ligj ne jemi të obliguar që Draft-Rregulloren për Taksa, Tarifa dhe Gjoha për vitin 2024, ta qesim për votim në Kuvend, kjo bëhet për çdo vit, dhe para miratimit duhet të qitet në diskutim publik, draftin e keni marrë me kohë, kështu që unë ju ftoj që ta miratoni vendimin për diskutim publik.

**z.Përparim Ramusa;** Jemi për me shku në diskutim publik.

**z.Reshat Mujota;** Në rregullore duhet të ceket se lirimi te veteranët a vlenë për një person apo vlenë për familjen e ngushtë, dhe nëse po për familje atëherë për cilët anëtarë të familjes. Edhe te veteranët propozoj që të hiqet taksa prej 10 euro.

**z.Besnik Seferi;** Pajtohem që te kjo rregullore të bëhen disa ndryshime. Te KPK-ja anëtarë i të cilës jamë, kemi një Rekomandim që të shkruhet Komuniteti Rom, Ashkali dhe Egjiptas e jo (RAE).

**z.Kadri Emimi;** Jemi që të shkojë në debat publik, dhe ndryshimet ipen në debat publik.

**z.Rexhep Gashi;** Te pika 8.2 Veteranët i specifikoni si të UÇK-së, se ka veteranë të ndryshëm.

**Kryesuesi, z.Adnan Ademi;** Konstatoi Kuorumin prej 21 anëtarëve prezent në mbledhje.

\* Kuvendi Komunës së Shtimes, unanimitisht miratoi Vendimin për ta nxjerrë në Diskutim Publik, Propozim-Rregulloren Komunale për Taksa, Tarifa dhe Gjoba për vitin 2024. Bartëse e procesit të diskutimit publik është Drejtorja Komunale për Buxhet dhe Financa në bashkëpunim me Zyrën për Informim.

### Pika 3

#### Raport Vjetor Buxhetor (shpenzimet) për vitin 2023

- Kryesuesi, z.Adnan Ademi;** Për prezantimin e kësaj pike fjalën ja dha Kimete Ukaj.
- z.Kimete Ukaj, ZKF;** E kemi obligim ligjor të prezantojmë raportin vjetor buxhetor, duke u bazuar në ligjin për menaxhimin e financave publike. Në vazhdim lexoi raportin buxhetor sipas kategorive me shifrat konkrete (shih dokumentin) materialin e keni marrë nëse ka pyetje do të përgjigjem, kështu që ju ftojë ta votoni.
- znj.Adelina Beqa;** Pëshëndetje, faleminderit për raportin në qeverisjen e Kryetarit Aliu që ishte 95.62, në periudhën kur është dashur më shumë me punu është shpenzuar vetëm 17%. Kjo qeverisje ka hargjuar 7 mijë euro për dreka zyrtare.
- znj.Sanie Sadiki;** Sa i përket llogaridhënies kjo qeveri ka dalë me performancën më të mirë për 100% për sa i përket transparencës. E falënderojë, Kryetarin Aliu, për punën e bërë sepse për punën e e mirë dhe transparente që e ka bërë edhe e kemi fituar grandin e performancës ndër komunat më të mira..
- znj.Adelina Beqa;** Replikë, më vjen mirë që e morre fjalën, sepse projektet janë vetëm në hava e në tokë nuk ka kurgjë.
- z.Përparim Ramusa;** Kimetin e falenderojë për raportin. Po ndalem te shpenzimet e luksit ku i ka shpenzuar 36 mijë euro dhe 7 mijë euro dreka zyrtare. Ky është shpenzim i tepërt, dmth nëse i kalkulojmë del që janë hanger 2600 gullasha. Te investimet ju ka dhënë pompozitet shumë p.sh. tregu ka pasë me u përfundu dhe nuk është përfunduar, nuk është përfunduar as rruga Godanc-Gjyrkovc.
- z.Besnik Seferi;** Kur folke Përparimi mu doke vetja sikur jam në opozitë. Por realiteti është krejt ndryshe projektet nuk janë në hava siq po thuhet këtu p.sh. shikoni rrugën "Tranzit" ka përfunduar, ndërtimi i QKMF-së do të fillojë në vitin 2024, Qerdhja në Petrovë dhe në Godanc, renovimin i shumë shkollave, pastaj biblioteka do të hapet së shpejti.
- z.Përparim Ramusa;** Repikë, po diskutojmë për shifrat financiare e jo për projekte.
- z.Muhamet Ademaj;** Përsëndetje, kur flasim për raportin mund të themi se është përgaditur mirë, i cili përmban shifra që buxheti është shpenzuar mbi 95.62% e që është një sukses shumë i mirë kështu që viti 2023 konsiderohet si vit i sukseshëm, prandaj ne si grup parlamentarë e përkrahim dhe do ta votojmë.
- z.Reshat Mujota;** Nuk deshta me folë, por po më nxisin, shqetësuese për mua është 7 mijë euro dreka zyrtare për një vitë. Të shpenzohen e të mos dihet se për qfarë janë shpenzuar, ky është shqetësimi im. Kërkojë që këto dreka të jenë sa më të vogla. Me një drekë janë mbi një mijë euro te Besimi Comerc.
- z.Hamëz Tërshani;** Përsëndetje, e vlerësojë se qka tha Sanija por e ka gabim. Deri sa e mshefë ekspertët që punojnë për Komunën tonë. Sa janë obligimet e Komunës së Shtimes sa janë obligimet kontigjente dhe kurë priten të realizohen? Pse nuk është realizuar blerja e veturave? Sa kanë qenë pagesat për AZHR-në. Ndryshimi është se ne nuk shkojmë te Kryetari për dallim nga Besniku e Muhameti.
- z.Besnik Seferi;** Unë vetëm një herë kam hyrë në zyrën e ish Kryetarit para mbledhjes, e nëse mund ta vërtetoni se ka ndodhur më shumë herë atëherë unë jap dorëheqje nga ky Kuvend.
- z.Asllan Beqaj;** Përsëndetje, flasin për persona e kush ka ndryshu polizikisht, e nuk e kanë kurajon të flasin për punët e mira që kanë ndodhur me këtë qeverisje. Fakt eshte se kur rritet besimi te qeverisja, eshte e logjikshme qe rritet edhe pagesa e tatimeve, ky eshe nje indikator shumë i rëndësishëm. Nuk shpenzohet buxheti 100% në tre mujorin e parë, kjo pra shkon gradualisht sipas përfundimit të punëve nga operatorët ekonomik, kështu shpenzohet buxheti. Unë vetëm po e pasqyrojë realitetin i cili është paraqitur në raport. Dëshmia më e mirë për punën dhe shpenzimin efikas të buxhetit për 2023 është fakti se Komuna e Shtimes është përfituese e grandit

të performancës. Nga të hyrat janë grumbulluar 900 mijë euro dhe kjo ka ndodhur sepse është rritë besimi me mbi 150 %. Ky është trend i mirë dhe duhet me vazhdu me rritë trendin edhe më mirë.

**z.Kadri Emini;** E kemi diskutuar edhe në KPF është një raport i detajuar. Ja vlenë me i diskutuar edhe shpenzimet kapitale që janë me 92% që të bënë me u ndie mirë, e përgëzojë DPUKGJ-në për këtë angazhim. Shpenzimet në gastronomi janë rrit dhe në këtë qeverisje ka ndodhë sepse asnjëherë më parë nuk ka ndodhur që komunën tonë me e vizituar kaq shumë Ministra. Kjo ndodhë gjithkund ku ka aktivitete, ka ndodhur edhe në Lipjan ku qeveris LDK-ja. Ne jemi "për" ashtu sikurse në KPF.

**z.Rexhep Gashi;** Faleminderit për raportin, anën profesionale nuk e dyshojë aspak. Nuk është sukses të shpenzohet 95.62 % por të shpenzohet ashtu siq duhet. Pozita thotë çdo herë raporti është i mirë e opozita të kundërtën. Ne jemi këtu gjithëmon për interesin e qytetarit. Shpenzimet marramendëse 7 mijë euro për dreka zyrtare. Nuk e arsyetojë qeverisjen e kaluar sepse edhe këta kanë shpenzuar.

**znj.Zenije Veliu;** Përshëndetje, raporti është bërë mirë, edhe realizimi po ashtu është shumë mirë me 95.62%. Kjo qeverisje ka tregu trasnaprenc e llogaridhënje. Raporti i Auditorit të pëgjithshëm është i pa kualifikuar që është kualifikimi më i mirë, pastaj ne jemi edhe përfitues të grantit të performancës. U tha që projektet janë në hava, unë ju kisha thënë, mbani kokën teposhtë i shihni projektet në tokë. Duhet të jenë më të qartë.

**z.Muhamet Ademaj;** E dëgjëva kolegën që tha se kam shku te zyra e ish Kryetarit. Ne jemi kuvendarë dhe ish Kryetarin e kam pas kolegë pune, dhe takimet kanë qenë në të mirën e qytetarëve.

**znj.Adelina Beqa;** Ta kish pas ish Kryetari një buxhet të tillë e kishit pa se qfarë pune do të ishte bërë. E sa i përket zgjatjes të diskutimit unë do të flas sa të është e nevojshme.

**z.Reshat Mujota;** Pajtojë me Muhametin që tha se shkojë te Kryetari, por mënyra e disave qysh kan hi te Kryetari është shqetësuese. Kryesues, replikat mos i lejo, kështu me bisedu njëri me tjetrin.

**z.Përparim Ramusa;** Për tema personale nuk kam dëshirë me bisedu. Te Kryetari duhet me shku por jo me ju nënshtru. Shpenzimet prej 36.500 euro për karburante mendojë se nuk është reale edhe 7 mijë euro për kafë nuk është reale. Pse huamarrja është heqë edhe pse OJQ "Katari" ka ikur nga Shtimja dhe po vepron në QKMF - Ferizaj, pse këto projekte nuk janë realizuar.

**z.Kimete Ukaj, ZKF;** Tek shpenzimi i buxhetit normal që pagesat bëhen në 6 mujorit e dytë pasi të realizohen projektet nga operatorit. Janë rritë taksat nuk qëndron, sepse te rregullorja për Taksa nuk është rritë asgjë ju e dini këtë. Te lejet ndërtime janë rritë të hyrat, është një rritje e madhe ku i kemi rritë mbi 100%. Njerëzit janë vetëdijësuar që pa pagesën e tatimit nuk bënë. Kufirin e të hyrave nuk e caktojmë ne por Ministrija e financave që i marrin tri vitet e fundit. Për drekat zyrtare jan hargjuar 7 mijë euro në të kaluarën është shpenzuar edhe më shumë. Duke marrë parasysh në të kaluarën Pandeminë. Kemi pasë edhe dreka me shoqatat e dala nga lufta, keni shpenzuar edhe ju si Kuvend, pastaj kemi pas edhe festën e QKMF-së. Nuk është shumë e madhe 7 mijë euro. Te kontrata kolektive që u cek është zyrtari Ligjor, ne kemi paguar dhe kemi me paguar ende kjo do të ndodhë sipas vendimeve të Gjykatave. Grandin e performancës e bëjnë dy faktor e para Raporti i Auditorit të pëgjithshëm i cili është ranguar si i Pakualifikuar, dhe faktori i dytë është realizimi i buxhetit te projektet kapitale i cili te ne është mbi 92 %. Mirë është me shku shpenzimi sipas planifikimit, por është gati e pa mundur te projektet kapitale.

**z.Besnik Seferi;** Faleminderit për sqarimet nga Kimeti. Në vitin 2018 te drekat zyrtare shuma e shpenzimeve ka qenë 26.000 euro brenda 6 mujorit të parë.

**z.Përparim Ramusa;** Besniku e tha një të pavërtetë sepse shpenzimet janë bërë nga Qerdhet e jo nga drejtorat.

**z.Besnik Seferi;** Pikërisht për të njejtat arsye janë bërë edhe këto shpenzime të sotit për të cilat po diskutojmë.

**Kryesuesi, z.Adnan Ademi;** Po u tërheki vërejtjen përsëri se duhet të përmbaheni dhe duhet me e dëgju kolegën deri ta kryen diskutimin.

**z.Rrahman Jakupi;** Për vitin 2018 ju njoftojë se për këtë shpenzim janë 45.549 euro ju i keni si shpenzime totale, e me na shitë neve kopalla këtu se ju keni shpenzuar më shumë jo jo. Projekti i

rrugës Shtime-Lipjan ende nuk ka përfunduar. 36 mijë euro kontratë, është tepër nuk ju konvenon me folë. Transparenca, farë transparence kur për një dokument nevojitet një javë për me marrë për sa i përket qasjes në dokumente zyrtare. E kam një vërejtje serioze për drejtorat që nuk duhet me na lodhë edhe mos me na folë se çka flasim. Ky buxhet ka të shkelura e do ta vërtetojë koha. Për pjesën profesionale e falenderojë Kimete Ukaj.

**znj.Sanie Sadiki;** Si mundet me folë kështu parafolsi kur pastruesja e Qerdhes ka qenë me ja pastru shtëpinë e vet për brenda.

**z.Rrahman Jakupi;** Kqyre more ti vetin kah je shku me naj minister a zëvendësministër.

**Kryesuesi, z.Adnan Ademi;** zotri Jakupi, nuk tolerohet kjo gjuhë ofenduese, ti duhet ta tërheqësh fjalën për znj.Sadiku, ku thae ke shku e nuk ke shku me ndonjë ministër a zëvendës ministër. Nuk lejoj asnjë diskutim pa ja dhënë unë fjalën, po flasë për respektimin e rregullores.

**z.Përparim Ramusa;** Kjo gjendje kaotike nuk është e mirë, nuk përmednet familja edhe kolegu u ngut për kolegen nuk është e rrugës kështu të diskutohet.

**z.Besnik Seferi;** Rrahman Jakupi duhet me pas kujdes, dhe në emër të grupit parlamentar të VV-së, kërkojmë të tërheq fjalën.

**z.Kadri Emini;** Debat ka dalë jashtë gjuhës parlamentare. Nuk duhet me përmend as vajzën e as bashkëshorten, nuk duhet me shku në personale. Kryeatrin e PDK-së e inkurajoj për me tërhejkë fjalën sepse nuk është njësoj sikurse me prek njeriun në moral sikurse në këtë rast për Sanijen, me ratsin kur përmendet bashkëshortja juaj për keqpërdorim të detyrës zyrtare.

**Kryesuesi, z.Adnan Ademi;** Pesë minuta pauzë për konsultime me përfaqësues të grupeve parlamentare në ora 11:22h.

**Kryesuesi, z.Adnan Ademi;** Vazhdon mbledhja e Kuvendit në ora 11:28h, në vazhdim fjalën ja jap z.Rexhep Gashit.

**z.Rexhep Gashi;** Është për keqardhje ky debat për asambleistin, Shtimja nuk e meriton një debat të tillë. Çështja e koleges Sanie që e ngriti për bashkëshorten e kolegut në Çerdhe, mendoj që asambleistja duhet ta tërhejkë fjalën. Edhe fjala e Kryetarit të PDK-së Rrahman Jakupi është gjuhë jo pralamentare dhe duhet ta tërhejkë fjalën. Është mirë të na bëjnë nderë dhe është njerëzore.

**Kryesuesi, z.Adnan Ademi;** Tani më besoj se gjakrat janë ftohur, dhe po kërkojë me tërhejkë fjalën.

**z.Rrahman Jakupi;** Tendencat me familjen time kanë qenë nga fillimi. Egoja e tijë është piknisje ndaj PDK-së. Nuk mundet askush me ma ndalë fjalën. Kjo nuk është sallë e Gjykatës. A e dini çka do të thotë fjala moral. Tërheqja e fjalës duhet me u bë aty ku ka filluar, unë nuk e tërhejki fjalën.

**Kryesuesi, z.Adnan Ademi;** Kërkojë nga Sanije Sadiki ta tërhejkë fjalën për vajzën, e bashkëshortja është drejtoreshë e Çerdhes dhe mund edhe të përmendet në Kuvend.

**znj.Sanie Sadiki;** Unë nuk kam çka me diskutu.

**znj.Adelina Beqa;** Si përfaqësuese e grupit jo formal të grave ndihem keq. Kërkoj nga dy anëtarët që ta tërheqin fjalën para qytetarëve. Pa marrë parasysh partitë politike.

**Kryetari, z.Qemajl Aliu;** Është krijuar një situatë e pa këndshme në Kuvend me diskutime jo parlamentare nga asambleisti që ka të bëjë direkt me moral, kjo është shkelje e rregullores të punës së Kuvendit. Unë jam babë i një vajze dhe në emër timin personal po them se nëse nuk ka tërheqje të fjalës nga Rrahman Jakupi, unë nuk mund të qëndroj në sallë me një ofendues të tillë.

**Kryesuesi, z.Adnan Ademi;** Propozoj që të shkojmë në pauzë të drekës dhe nëse nuk tërheqet fjala nga asambleistët atëherë do ta ndërpresim mbledhjen.

Pauzë nga ora 11:46h.

**Kryesuesi, z.Adnan Ademi;** Po vazhdojmë me mbledhjen në ora 13:20h Edhe njëherë kërkojë nga Rrahmani e Sanija të tërhejkin fjalët e tyre sepse ishin fjalë as njerëzore e as humane. U dakortuan edhe shefat e grupeve që të bëhet një gjë e tillë.

**znj.Sanie Sadiki;** Për hirë të opinionit publik unë po sqaroj se kam folë për ish nënkryetarin, kryetar i një partie politike e tani asambleist. Për pjesën që vajza është përfshi në debat, unë e tërhejki fjalën, ndërsa bashkëshortja është pjesë e institucioneve lokale.

**z.Rrahman Jakupi;** Qytetarë nuk ekziston më inçizimi, unë do të ngris kallëzim penal për këtë. Tash unë kërkoj nga ti që ta kem inçizimin. Unë kam thënë ndoshta, edhe ti qka ke thënë është e njëjta. Unë tërhiqem nga fjala me vërejtjen që unë kam thënë ndoshta, edhe Kryetarin po e përfshi

në këtë sepse komunikon me SMS. Keni kujdes kur të ja gjuni dikujt shpijen sepse e juaja është në xham. Keni kujdes.

**Kryesuesi, z.Adnan Ademi;** Në fjalimet ku përfshihen anëtarët e familjes kjo nuk na qon askund. Faleminderit që i tërhoqët fjalët. Tani po vazhdojmë me pikën e rendit të ditës, edhe KPF por edhe KPK-ja i ka rekomanduar Kuvendit miratimin e kësaj pike.

**znj.Sanie Sadiki;** Unë nuk dëgjova kërkim falje nga Kryetari i PDK-së le të mbetë në ndërgjegjën e tijë, por unë do të përgatitem të bëjë padi për shpifje, që ka thënë se unë e kam suvatuuar shtëpinë me pare të Komunës.

**Kryetari, z.Qemajl Aliu;** Përshëndetje e pamë një situatë jo të këndshme. Pika e e tretë u kalua pa u diskutua konkretisht për këtë pikë por duke u marrë me akuza e fjalë joparlamentare. 96% e buxhetit është realizu. Jemi në mesin e 5 Komunave më të mira që e kemi fitu grandin e performancës, poashtu edhe raporti i Auditorit të përgjithshëm që është i pa kualifikuar, kjo tregon qeverisje të mirë dhe të dinjitetshme. Te shpenzimet kemi pikat e forta dhe të dobëta. Pika e fortë është kursimi i buxhetit. U përmenden 7.200 euro. këto shpenzime janë komplet të arsyeshme, kemi pritë delegacione të ndryshme edhe nga Gjeermania, kemi pas promovim të librave, kemi pas ditë të UÇK-së. Në vitin 2018 janë hargjuar për dreka zyrtare 22,900 euro që do të thot tri herë më shumë pastaj ka pas edhe për pije dhe bashkë bëjnë mbi 60.000 mijë euro. Për karburante atëher janë hargjuar 3 herë më shumë se sa sot edhe pse nafti atëher ka qenë 1 euro e sot është 1.30-1.60 euro. Për 3 vite në qeverisje unë si Kryetar i Komunës së Shtimes deklaroj se asnjëherë kurrë nuk kam marrë asnjë mëditje. E di që ju jeni këtu për me bërë akuza, por është krejtësisht e kotë sepse kjo është pika më e fortë e imja. U tha projekte në hava, duhet thënë hapur se këtu pra ka një diskrepancë të madhe sepse në të gjitha mediumet është përmend se Shtimes po i ndahen shumë projekte, e ju po thuani projekte në hava, cilit tash duhet me i besu. Sa i përket huamarrjes (OSTAP) ka me u bërë një analizë për gjendjen e projektit, dhe duhet të shikojmë mundësinë për ta vazhduar këtë projekt të rëndësishëm. Sa i përket projektit me OJQ - "Katari", është ligji për financat publike që nuk po na lejon bashkimin e mjeteve finciare me një OJQ. Kemi bërë kërkesë për interpretim ligjor. Ministria ka thënë se nuk lejohet. Kolegët pse mund ti shkelin ligjet unë nuk i shkeli.

**z.Përparim Ramusa;** Në emër të grupit parlamentar, por kjo nuk do të thotë që të tjerët nuk mund të flasin, a je ti Kryetar që e paguan drejtorin prej Kaqanikut dhe Fushë Kosovës. Ne po akuzojmë për shpenzime e jo për kursime. I keni shpenzu paret pa nevojë. Ke paguar ekspertë, qiti emrat sa pare i ke paguar?

**z.Besnik Seferi;** Është stërgjatë, ne propozojmë që kjo pikë të qitet në votim.

**z.Kadri Emini;** Në fillim unë e dhashë mendimin e grupit tonë LDK-AKR ne jemi që të kalojë.

**z.Rexhep Gashi;** Sqarimet e Kryetarit nuk janë të sakta kur thu nuk ka shkelje, Auditori ka gjetur disa shkelje të përsëritura. Ne ju kemi votuar dhe ju kemi besuar se nuk i përsëritni ata.

**Kryesuesi, z.Adnan Ademi;** Kontatoj Kuorimin pre 20 anëtarëve prezent në mbledhje.

**\*Kuvendi i Komunës së Shtimes, me 11 vota "Për", me 8 vota "Kundër" dhe me 1 votë "Abstenim", miratoi Raportin Vjetor Buxhetor (shpenzimet) për vitin 2023.**

#### Pika 4

#### Draft-Rregullore për caktimin e orarit të punës për bizneset në Komunën e Shtimes

#### (Pas diskutimit Publik)

**Kryesuesi, z.Adnan Ademi;** Për prezantimin e kësaj pike fjalën ja dha Bardhyl Rushitit.

**z.Bardhyl Rushiti, DSHP;** Përshëndetje sipas vendimit të Kuvendit kemi organizuar diskutim publik për të cilin i kemi marë me shkrim propozimet e bëra (shih dokumentin). Në vazhdim i lexoi të gjitha kërkesat. Keni kërkuar edhe peticionin ky është mund ta merrni nëse doni.

**z.Kadri Emini;** Faleminderit për prezantimin e draft-rregullores po diskutoj për gjatësinë e orarit. Propozoj të ndryshohet te Gastronomia, te lokalet në katin e dytë te objektet e banimit kolektiv, mos me leju me punu pas orës 10:00h dimrit, dhe pas orës 11:00h verës. Familja është e shejtë, propozoj të bëhet një ndarje e tillë.

**z.Bardhyl Rushiti, DSHP;** E kuptoj këtë, por nëse bëhet me selektim është shumë e vështirë me e zbatua. Përveç rregullores e kemi edhe ligjin që i ndalon veprimtaritë që krijojnë zhurmë.

- z.Kadri Emini;** Atëherë a është e mundur me ndalu komplet verpimtarinë në ora 10:00h.
- z.Reshat Mujota;** Unë e mbështes propozimin e Kadriut. Por më mirë është me i sjellë procesverbalet. Çka ka pas të keqe me punu me orarin deri në ora 23:00h. Duhet me llogaritë edhe orarin e punës të punëtorit aty. E dyta është jo reale dhe te pika 3 nuk guxon me pas këtë pikë kështu, duhet të vendoset në Kuvend e jo aty të thuhet organet kompetente duhet të ceket kush ndryshe e nuk e përkrahu.
- z.Bardhyl Rushiti, DSHP;** Sa i përket punëtorëve e mbikëqyrin Inspektorati sipas ligjit. Orarin kështu e kanë kërkuar bizneset.
- znj.Adelina Beqa;** Në KPF kam votuar me një rekomandin, e që dretjori nuk e ka prur rekomandimin. Nëse nuk mundesh me ndalë deri në ora 23:00h atëherë me ndalë zhurmën. Po pajtohemi me pjesën e ligjit, prandaj edhe kam kërkuar një rekomandim të drejtorit.
- z.Bardhyl Rushiti, DSHP;** E falenderoj grupin punues dhe ne e kemi sjellë në Kuvend materialin.
- z.Hamëz Tërshani;** Sa është numri i bizneseve dhe sa është e rrezikshme që paret e Komunës së Shtimes të shkojnë në Komuna tjera?
- z.Bardhyl Rushiti, DSHP;** Këtu i kam 23 nënshkrime të bizneseve. Orarin e punës e mbronë ligji i punës.
- z.Besnik Seferi;** Po i gëzohem kësaj rregullore, duhet me u gëzuar sepse kjo ka të bëjë me të drejtat e punëtorëve dhe bizneseve. Dita e dielë ka qenë ditë pune për të gjithë, prandaj është e mirë kjo rregullore për të gjithë. Porpozoj ta votojmë.
- z.Përparim Ramusa;** Unë jam në anën e punëtorëve, është shumë jo serioze me ardhë këtu pa rekomandim. Sa janë të mjaftueshme 2 markete kujdestare në Shtime. Kjo nuk është rregullore profesionale, por nëse inkorporohet kërkesa e Nderimit unë do ta votojë.
- z.Asllan Beqa;** E para, unë kam lexuar rregullore të tjera që janë shumë të njejta. Rregulloren e implementon policia dhe inspektorati, si dhe ligjin për punën. Pajtohem me propozimin e Kadriut.
- z.Kastriot Shabani, DZHE;** Përshëndetje në rregullore është potencu vetëm në Shtime, unë jamë që te objektet banesore të veprohet sipas propozimit të Kadriut.
- z.Rexhep Gashi;** Sa u janë përgjigjur bizneset te dëgjimi publik, arsyeja që nuk kanë marrë pjesë në dëgjimin publik është mosnjohimi. Te neni 3 nëse thuhet se i ka kompetencat Ekzekutivi atëher pse duhet të vie në Kuvend. Mendoj që kjo duhet të hiqet.
- z.Lumni Amrushi;** Këtë pjesën e fshatrave a bënë me sqaru edhe njëherë, te pishinat p.sh. nuk është në rregull që rregullorja të vlejë vetëm në qytet. Unë nuk e kam realizuar mirë këtë rregullore.
- z.Bardhyl Rushiti, DSHP;** Rregullorja është për krejt Shtimen, por bizneset janë të koncentruara në Shtime.
- z.Reshat Mujota;** Te pika 3 kërkoj të hiqet ose të sillet prap në Kuvend. Te neni 8 le të mbetet deri te ora 23:00h. Duhet me pas kujdes te lokalet e lojrave që po i japin mundësin fëmijëve me nejt deri në ora 24:00h. Dmth. le të mbetet 08:00 deri 23:00h edhe verës edhe dimrit.
- z.Muhamet Ademaj;** E falenderoj drejtorin për këtë rregullore, kërkojmë zbatimin e saj. Pashë 30 nënshkrime a janë ato biznese familjare?
- z.Rrahman Jakupi;** E kemi një kërkesë të Nderim Hysaj i cili ka kërkuar orarin 8-22 dimrit dhe 8-23 verës, kërkoj që të hudhet në votim.
- znj.Adelina Beqa;** Mirë që na ka ardhur si rregullore, i kemi 30 nënshkrime dhe këtu janë 30 familje. Qite në votim.
- z.Kadri Emini;** Unë e pata idenë ndryshe, tani sa i përket gastronomisë unë jam që në ora 22:00h të ndalohet muzika. Dhe në raste të veqanta të merret leje e posaqme.
- z.Bardhyl Rushiti, DSHP;** Rregullorja vlenë për krejt territorin e Komunës së Shtimes.
- z.Reshat Mujota;** I pata disa propozime te video-lojrat. Rregulloret i bjen Kuvendi. E unë i kam propozimet e mija, e para të hiqet pika 3 dhe te video-lojrat të mbetet orari deri në ora 22:00h.
- z.Bardhyl Rushiti, DSHP;** Është më e arsyeshme që me vendosë drejtoria sepse kërkesat janë të tilla që ndoshta duhet me vendos brenda ditës.
- z.Rexhep Gashi;** Te neni 8 a janë kah e ndryshojnë këtë pikë, ne e dham deri në ora 22:00h. Të sqarohet ardhja e bashkathetarëve si dhe të mbjellurat, le të sqarohen.

**Kryesuesi, z.Adnan Ademi;** I kemi të gjitha kërkesat e bizneseve që janë futë në draft dhe propozimin e Kadriut për zhurmën që të ndalohe në ora 22:00h. Në vazhdim Konstatohet Kuorumin prej 21 anëtarëve prezent në mbledhje.

**\*Kuvendi i Komunës së Shtimes, me 16 vota "Për", me 0 vota "Kundër" dhe me 5 vota "Abstenim", miratoi Draft-Rregulloren për caktimin e orarit të punës për bizneset në Komunën e Shtimes (Pas diskutimit Publik), me konstatimet e Kryesuesit.**

#### Pika 5

##### Draft-Rregullore Komunale për Transparencë, (për diskutim publik)

**Kryesuesi, z.Adnan Ademi;** Hapi diskutimin për këtë pikë.

**Kryesuesi, z.Adnan Ademi;** Konstatohet Kuorumin prej 21 anëtarëve prezent në mbledhje.

**\*Kuvendi i Komunës së Shtimes unanimisht miratoi Vendimin për ta nxjerrë në Diskutim Publik, Propozim-Rregulloren Komunale për Transparencë.**

#### Pika 6

##### Draft-Plani i veprimit për transparencë komunale 2024-2028, (për diskutim publik)

**Kryesuesi, z.Adnan Ademi;** Hapi diskutimin për këtë pikë.

**Kryesuesi, z.Adnan Ademi;** Konstatohet Kuorumin prej 21 anëtarëve prezent në mbledhje.

**\*Kuvendi i Komunës së Shtimes, unanimisht miratoi Vendimin për ta nxjerrë në Diskutim Publik, Draft-Planin e veprimit për transparencë komunale për periudhën 2024-2028.**

#### Pika 7

##### Raport i Punës së Kuvendit për vitin 2023

**Kryesuesi, z.Adnan Ademi;** Prezantoi raportin e punës së Kuvendit për vitin 2023, janë mabjtur 10 mbledhje të rregullta, 5 mbledhje të jashtëzakonshme, 1 mbledhje urgjente, 4 mbledhje solemne dhe 1 mbledhje përkujtimore. Në vazhdim lexoi të dhënat nga raporti (shih dokumentin).

**z.Muhamet Ademaj;** Faleminderit për raportin, unë dëshiroj që ta realizojmë planin e punës.

**znj.Adelina Beqaj;** Me gjithë sfidat që kemi pas prap kemi një rezultat. Mirë është që të raportohet edhe për punën e anëtarëve të Kuvendit. Me 15 Janar të mbahet një mbledhje solemne për Reçakun.

**Kryesuesi, z.Adnan Ademi;** Për Reçakun është mbledhje përkujtimore e jo solemne, por duhet me ditë se agjenda është e Qeverisë nën patronatin që e ka. Për sa i përket raportit të anëtarëve të Kuvendit mi sillni ju raportet e punës në fund të vitit, unë do ti prezantoj.

**znj.Adelina Beqa;** Po e di që është mbledhje përkujtimore. Për raportet sigurisht që në fund të vitit do ti sjellim.

**z.Rexhep Gashi;** Vendimi për fshatin Pjetershicë a është kthyer nga MAPL-ja?

**Kryesuesi, z.Adnan Ademi;** Të gjitha mund ti merrni te Sekretaria.

**z.Reshat Mujota;** Raportimet nuk po përputhen me numrat që ka të bëj me raportet e Kryetarit.

**Kryesuesi, z.Adnan Ademi;** Konstatohet Kuorumin prej 17 anëtarëve prezent në mbledhje.

**\*Kuvendi i Komunës së Shtimes, me 10 vota "Për", me 0 vota "Kundër" dhe me 7 vota "Abstenim", miratoi Raportin e Punës së Kuvendit për vitin 2023.**

#### Pika 8

##### Propozim-Vendim për zgjedhjen e Komisionit për ndarjen e titujve të nderit

**Kryesuesi, z.Adnan Ademi;** Qelsi është propozuar që të jetë përbërja e Komisionit prej 2 anëtarëve nga Kuvendi, 2 anëtarë nga Ekzekutivi, dhe një anëtarë nga OJQ-të.

**z.Përparim Ramusa;** Ne jemi "për" dhe po dëshiroj që këtu në këtë pikë të jemi bashkë. Ne si opozitë e caktojmë emrin edhe pozita përfaqësuesin e vetë, Kryetari i bjen emrat e tjerë dhe ne do ta votojmë.

**z.Reshat Mujota;** Edhe unë pajtoj me qelsin prej 5 anëtarëve. Por pse Kuvendi nuk e kryen punën e vetë edhe me i zgjedhë menjëherë anëtarët e vetë.

**Kryesuesi, z.Adnan Ademi;** Konstatohet Kuorumin prej 20 anëtarëve prezent në mbledhje.



\*Kuvendi i Komunës së Shtimes, me 19 vota "Për", me 0 vota "Kundër" dhe me 1 votë "Abstenim", miratoi Vendimin për zgjedhjen e Komisionit për ndarjen e titujve të nderit, sipas Qelësit 2+2+1.

#### Pika 9

Draft- Programi Strategjik për ujërat në Komunën e Shtimes, (pas diskutimit publik)

**Kryesuesi, z.Adnan Ademi;** Fjalën ja dha Nënkryetarit z.Faruk Beqa.

**z.Faruk Beqa, Nënkryetar;** Përshëndetje, ne kemi një memorandum mirkuptimi me organizatën "GIZI" që ka yë bëjë me programin strategjik për ujëra në Komunën tonë. Është formuar grupi punues ku kemi hartuar një draft-program për ujërat mjaftë përmbajtësor. E kemi mbajtur edhe dëgjimin publik sipas vendimit të Kuvendit ku janë inkorporuar propozimet që kanë dalë nga tubim. Ne e falenderojm z.Muhamet Qeriqi që ka dhënë një kontribut mjaftë të mirë. Ju ftojë që këtë program startegjik ta miratoni meqenëse se është në të mirën e qytetarëve së Komunës së Shtimes. Nëse ka ndonjë pyetje do të përgjigjem.

**znj.Adelina Beqa;** Në njërën nga dëgjimet publike kam marrë pjesë edhe unë. Desha të lidhem pak te kolektori puna e të cilit është ndërpre. Çka parashihni me bërë me ujërat e zeza?

**z.Faruk Beqa, Nënkryetar;** Plani i ujërave të zeza nuk është ndërpre, ai do të vazhdojë me KRU "Prishtina". Realisht është ndërpre vetëm financimi, ose më mirë me thënë burimi i financimit por jo edhe vazhdimësia e projektit.

**znj.Adelina Beqa;** Për këtë arsye unë pyeta se si mund ta votojmë këtë dokument kur është ndërpre kolektori. Nuk më keni ftuar në punën e grupit punues.

**z.Faruk Beqa, Nënkryetar;** Unë nuk kam qenë bartës i asnjë funksioni në këtë Komision, por e di që nuk ka pas asnjë tenativ për ta penguar punën e tij. Unë ju falenderoj të gjithve që keni marrë pjese dhe që keni kontribuar në këtë program

**z.Reshat Mujota;** Te çështja e lumenjve dhe deponive ilegale sa keni mundur me i indentifikuar këto për këtë plan. Sa burime të uji janë si është gjendja e tyre? Në Llanisht ka gurthyes a i keni paraparë gjithë këto sfida? Mollopolci 90% e kanë ujin prej bjeshkëve. Lumenjtë mund të shterohen por për këta banorë çka do të bëhet.

**z.Faruk Beqa, Nënkryetar;** Programi është mjaftë i gjerë, po duhet me shkurtu në projekte konkrete. Jemi dëshmitar që po ballafaqohemi me ujëra të ndotura. Kemi qenë në teren dhe kemi indentifikuar përveç ujërave edhe për deponit e mbeturinave inerte.

**z.Muhamet Ademaj;** Faleminderit për këtë draft e vlersojmë këtë punë të grupit. Kam shqetësimet për mbrojtjen e 3 lumenjeve që i kemi. Kërkoj të fillojë të rregullohet kolektori në fshatin Gjyrkovc. Është mirë që ti ruajmë burimet e ujit.

**Kryesuesi, z.Adnan Ademi;** Konstatoj Kuorumin prej 20 anëtarëve prezent në mbledhje.

\*Kuvendi i Komunës së Shtimes, unanimisht miratoi Draft- Programin Strategjik për ujërat në Komunën e Shtimes, (pas diskutimit publik).

#### Pika 10

Propozim-Vendim për ndarjen e subvencionev. për nënat Lehona për fëmijët e lindur në vitin 2024

**Kryesuesi, z.Adnan Ademi;** Në KPF jemi dakorduar që në Kuvend të na sjellin shifrat konkrete për këtë vendim.

**Kryetari, z.Qemajl Aliu;** Për këtë vendim ne propozojmë, siç e dimë kemi filluar që nga viti 2022. Sivjet e kemi bërë një analizë. Fëmija i parë 100 euro, fëmija i dytë 150 euro, fëmija i tretë 200 euro, për binjakët 500 euro, për trinjakët 1000 euro, për çdo njak tjetër nga 500 euro shtesë. Këto janë mundësitë buxhetore.

**z.Besnik Seferi;** Unë do ta ngris doreën me kënaqësi, kemi diskutuar për këto mundësi dhe e kam përkrahur.

**z.Përparim Ramusa;** Faleminderit për propozimin do ta përkrahim. Për drejtorin e shëndetësis pse po e mbanë mshëft.

**znj.Rrezartë Ramadani;** Faleminderit edhe ne do ta përkrahim vendimin si grup parlamentar.

**z.Lumni Amrushi;** Edhe ne e përkrahim është një mundësi e mireë për fëmijët. Kam propozim që fëmija i parë me të dytin të jenë njejtë.

**znj. Adelina Beqa;** Unë e përkrahi propozimin, unë ju inkurajoj që të vazhdoni dhe jam pro. Urime për gratë e Komunës tonë.

**z. Rexhep Gashi;** A është aneksi i rregullores së mëparshme a është vendim i ri?

**Kryesuesi, z. Adnan Ademi;** Konstatoj Kuorumin prej 21 anëtarëve prezent në mbledhje.

**\*Kuvendi i Komunës së Shtimes, me 19 vota "Për", me 0 vota "Kundër" dhe me 2 vota "Abstenim", miratoi Vendimin për subvencionimin e veçantë për secilën Nënë-Lehonë, për çdo fëmijë të lindur gjatë vitit 2024, si dhe për fëmijët e lindur në vitin 2023 e të cilët nuk kanë pas mundësinë të aplikojnë për realizimin e të drejtës së tyre, gjatë vitit 2023, si vijon:**

1. Fëmija i I-rë do të subvencionohet me 100 €;
2. Fëmija i II-të do të subvencionohet me 150 €;
3. Fëmija i III-të e tutje do të subvencionohen me nga 200 €;
4. Fëmijët binjakë do të subvencionohen me 500 €;
5. Fëmijët trinjakë do të subvencionohen me 1000 €;
6. Shumës prej 1000 € ( për trinjakë ) do t'i shtohen edhe nga 500 € për çdo fëmijë të lindur njëkohësisht më shumë se trinjakë.

#### Pika 11

Propozim-Vendim për Inicimin e procedurës të themelimit të Ndërrmarrjes Publike Lokale për kryerjen e shërbimeve publike në Komunën e Shtimes

**Kryesuesi, z. Adnan Ademi;** Ne kemi pasë një kërkesë nga Adelina për me gjetë vendimin e mëparshëm për Kryetarin që ka të bëjë me ndërrmarrjen KRM "Pastërtia".

**znj. Adelina Beqa;** E kemi një vendim të datës 30.12.2014 i nënshkruar nga Kryesuesi i atëhershëm.

**Kryesuesi, z. Adnan Ademi;** Lexoi vendimin e Kuvendit Npi-01/76 të datës 27.03.2025.

**z. Përparim Ramusa;** Jo jo e kemi vendimin e Kuvendit të vitit 2014 që e lexoi edhe Adelina.

**z. Reshat Mujota;** Për mua është shqetësuse që po e hapim një kompani pa e ditur se çka po votojmë.

**Kryetari, z. Qemajl Aliu;** Kjo është vetëm një vendim me të cilin inicohet procedura për themelimin e një kompanie të tillë. Kjo ka me shku sigurisht nëpër shumë filtra, dhe mund të ju them se tani për tani jemi te shkronja A, dhe e keni parasysh faktin që duhet me mbërritë shkronja ZH. Prandaj unë ju kërkojë mirkuptim që ta aprovoni këtë vendim sa për të lejuar fillimin e procedurave të mëturshme për themelimin e një ndërrmarrje publike komunale

**z. Përparim Ramusa;** Kryetari ra në kundërshtim me fjalët e veta, (lexoi një dokument).

**z. Reshat Mujota;** E para a keni shpresë që ky vendim do të shkojë deri në fund. Dhe e dyta unë mendoj se po e rrezikojmë kompanin KRM "Pastërtia".

**z. Asllan Beqa;** Unë i dëgjova të gjithë me vëmendje për këtë pikë. Kjo ka të bëjë me mbrojtjen e hapsirave publike, e që po kemi gjithmonë vërejtje për punën e kompanisë "Pastërtia" për sa i përket mirmbajtjes të hapsirave publike prandaj unë mendoj se kjo është e mirëseardhur dhe duhet ta votojmë

**z. Besnik Seferi;** Po flasë në emrin tim arsye ka të shumta për themelimin e kompanis publike komunale. Nuk ka të bëjë kjo me KRM "Pastërtia" sepse ajo i ka detyrat dhe punët e veta që është grumbullimi i mbeturinave. Me themelimin e kësaj kompanie kjo do ta ketë shumë më të lehtë në kryerjen e punëve.

**z. Rexhep Gashi;** Nuk ka bazë të mirë ligjore propozim-vendimi secili prej neve jemi pr shërbime më të mira, prandaj nuk duhet të bëjmë demagogji.

**z. Muhamet Ademaj;** Unë mendoj se është mirë të themelohet një kompani e tillë e cila është në shërbim të qytetarëve, prandaj ne do ta votojmë.

**Kryetari, z. Qemajl Aliu;** Nuk ka lidhje kjo me kompanin "Pastërtia", ky është një vendim për inicimin e procedurës për një kompani të vogël komunale.

**z. Rexhep Gashi;** Ajo kompani është për qytetarët.

**Kryesuesi, z. Adnan Ademi;** Konstatoj Kuorumin prej 19 anëtarëve prezent në mbledhje.

\*Kuvendi Komunës , me 11 vota “Për”, me 7 vota “Kundër” dhe me 1 votë “Abstenim”, miratoi Vendimin për shfuqizimin e vendimit të Kuvendit të Komunës së Shtimes Npi-01/364 të datës 30.12.2014.

\*Kuvendi Komunës , me 11 vota “Për”, me 6 vota “Kundër” dhe me 2 vota “Abstenim”, miratoi Vendimin për iniciimin e procedurave për Themelimin e Ndërmarrjes Publike Lokale në Komunën e Shtimes.

#### Pika 12

##### Raport i Punës të Këshillit Komunal për Siguri në Bashkësi për vitin 2023

**Kryesuesi, z.Adnan Ademi;** Fjalën ja dha Nënkryetarit z.Faruk Beqa.

**z.Faruk Beqa, Nënkryetar;** Raportin e KKSBB-së ne e kemi përgaditur me shkrim dhe u a kemi dërguar me kohë unë po besoj që e keni lexuar prandaj unë nuk do të ju marrë kohë të të lexuar poe vetëm nëse ka pyetje ose komente unë do të ju përgjigjem (shih dokumentin).

**z.Muhamet Ademaj;** Faleminderit për raportin, është një raport i mirë që e bënë prëshkrimin e punëve që janë kryer gjatë vitit 2023 unë do ta votojë këtë raport.

**z.Rexhep Gashi;** Organet e siguris po e bëjnë një punë të mirë. Unë kam një shqetësim lidhur me një tubacion i ujësellsit që është me material nga azbesti, Siç e dini azbesti është i ndaluar që moti për përdorim prandaj duhet urgjentisht të merrni masat për largimin e këtij tubacioni.

**z.Faruk Beqa, Nënkryetar;** Përgjegjësi i ujësellsit KRU “Prishtina” mbi bazën e analizave të rregullta thotë se uji është në nivelin normal të parametrave dhe është i pijshëm. Mendoj se nuk duhet me shpërnda informata tjera në krahasim me ato që i japin njerzit kompetent.

**z.Besnik Seferi;** A janë duke u përfshi të gjitha shkollat për sa i përket furnizimit me kamera dhe çështja tjetër është rreziku nga qenët endacak sidomos për fëmijët që shkojnë në shkolla në mëngjes.

**z.Faruk Beqa, Nënkryetar;** Dha sqarime.

**znj.Albana Podvorica;** Faleminderit për raportin po ashtu e falenderoj edhe policinë për punën që po e bëjnë, dukuri negative ka mjaftë, mirpo pyetja është cilat kanë qenë masat parandaluese për ti zgjidhur këto sfida.

**z.Faruk Beqa, Nënkryetar;** Ne kemi pas disa trajnime duke përfshir stafin edhe nxënës, janë përfshi dikun rreth 1200 nxënës në këto trajnime. Është e vërtetë se kamionat po paraqesin një problem te shkolla fillore “Emin Duraku”. Policia kanë intervenuar disa herë dhe ka pasur sukses. Po ashtu edhe DSHP ka intervenu në disa raste dhe janë eliminuar disa përgjegjësi.

**Kryesuesi, z.Adnan Ademi;** Konstatoj Kuorumin prej 18 anëtarëve prezent në mbledhje.

\*Kuvendi i Komunës së Shtimes, unanimisht miratoi, **Raportin vjetor të punës së Këshillit Komunal për Siguri në Bashkësi, në Komunën e Shtimes për vitin 2023.**

#### Pika 13

##### Pyetje-Përgjigje

**Kryesuesi, z.Adnan Ademi;** Hapi diskutimin për këtë pikë.

**z.Reshat Mujota;** Pyetje për Kryesuesin, Pse nuk kanë kthyer përgjigje në pyetjet e mija, drejtorat që e kanë pas për detyrë?

**znj.Albana Podvorica;** Pyetje për DKA, A keni bërë ndonjë hulumtim rreth sigurisë në Shkolla, a janë të sigurtë nxënësit? Pyetje për DSHP, A ka përfunduar ndriçimi publik në rrugën Bushati në fshatin Gjyrkovc? Pyetje për DPUKGJ, Te rruga “Tranzit” a do të ndërtohet trotuari që është te Avaksi? Pse ende nuk është bërë zgjidhje për banorët e fshatit Davidovc për Parkun e Davidovcit sepse vazhdimisht po ka vërshime? A parashihet asfaltimit i rrugës “Afrim Syla”? Pse nuk është asfaltuar rruga "Minatori" në Godanc?

**z.Rrahman Jakupi;** Pyetje për Kryetarin, Këtë pyetje e kam parashtruar edhe një herë, dyshojmë se drejtori i Shëndetësisë ka qenë pjesëtarë i MUP-it, tregona se ku ka qenë gjatë luftës ky drejtor? Neni 39 i LVL-së na jep mundësi për me kërkuar informata nga Kryetari. Pse janë vazhduar kontratat me Caritasin dhe po merrni njerëz duke u bazuar në familjarë? Dhe pse nuk jeni përgjigjur ne pyetje që ju kam bërë që disa muaj?

**z.Rexhep Gashi;** Pyetje për Ekzekutivin, dhe Kryesusin, Pse Ekzekutivi nuk po bëhet më serioz për të na kthyer përgjigjet? Asamblesistët i kemi bërë 23 pyetje e në 16 prej tyre nuk kemi marrë përgjigje. Pyetje për Kryetarin, Çka është puna me ujësjellsin?

**z.Perparim Ramusa;** Pyetje nuk kam por, nuk është etike me majtë ders në cilësinë e Imamit.

**z.Asllan Beqa;** Debatet ofenduese nuk i bëjnë mirë Kuvendit. Një sygjërim për sekretarinë, dërgonaj me E-mail.

**z.Gëzim Haxhiu;** Përshëndetje, është mirë me ju kthy rolit për çka jemi këtu. Pyetje për DPUKGJ, A parashihet me u asfaltuar segmenti i rrugës “Dëshmorët e Godancit” në Godanc?

**z.Besnik Seferi;** Pyetje për Drejtorinë për Buxhet dhe Financa, Çka po ndodhë për tatimin në pronë, a po falet apo jo, siq e keni premtuar dhe pse nuk ka ndodhë ende?

Pyetje për DSHP, Parku në Gjyrvoc është demolu, a do të ndërmmiret diçka për mirëmbajtjen e këtij parku apo jo? Dhe po ashtu në hyrje të fshatit Gjyrvoc dhe në rrugën “Besnik Sopa” është bërë shkyqja e dritave, apo siç themi ne prishja e tyre, a do të ketë intervenim në këto rrugë dhe të realizohet ndriçimi? Pyetje për DPUKGJ, A do të bëhet këtë vit një zgjidhje për “Handikos” për një vendë-punimi apo vendë për aktivitete? A u bë pranimi teknik i parkut të Shtimes?

**z.Muhamet Ademaj;** Pyetje për DSHP, Pse nuk po lëshohet ndriçimi në “Lagjen Ademaj” në Petrovë? Pyetje për DPP, Kërkojë listën e operatorëve ekonomik që kanë punuar gjatë vitit 2023?

**z.Rexhep Gashi;** Pyetje për DPUKGJ; Po ta përsëris pyetjen, që ta kamë bërë më herët, qfarë ka ndodhur me kubëzat në rrugën “Tahir Sinani”? Pyetje për DSHMS, Çfarë po ndodhë me QMF-në në Muzeqinë, kur nuk kanë staf teknik?

#### Pika 14

##### Informatë nga Drejtoria për Administratë për vitin 2023

**Kryesuesi, z.Adnan Ademi;** Fjalën ja dha Valon Januzi.

**z.Valon Januzi, drejtor i Administratës;** Përshëndetje, Informatën ne e kemi përgatitur në formë të shkruar dhe e kemi dërguar bashk me materialin e Kuvendit, unë po besoj që e keni lexuar. Në vazhdim lexoi informatën (shih dokumentin). Nëse ka ndonjë pyetje, unë do të përgjigjem.

**z.Përparim Ramusa;** Faleminderit për informatën, kur e pashë CV-në tane këtu të shkruar thash mos po dojnë me të kandiduar për Kryetarë. I kam dy vërejtje, sepse nuk ke arritë me i ble dy vetura, dhe vërejtja e dytë është se nuk po funksionon aparati (e-kioska) për nxjerrjen e dokumentave, pse nuk i ke kryer këto dy punë?

**z.Valon Januzi, drejtor i Administratës;** Sa i përket E-kioskës, Operatori për mirëmbajtje nuk ka mujt me shti në funksion, dhe e kemi shkëputur kontratën në vlerë prej 6000€. Mirëpo te platforma E-Kosova ka mundësi me e shfrytëzuar dhe në njëfar forme me e kompensuar. Te veturat 70.000€ nuk kanë qenë të mjaftueshme për me i ble 3 vetura. Unë i kam kërkuar edhe 10.000€ mirëpo ju si Kuvend nuk i keni miratuar. Mjetet e veturave janë nga të hyrat vetanake dhe ato i kthehen Komunës.

**z.Reshat Mujota;** Faleminderit për informatën, ke folë për dy vizita që i ke bërë në Gjermani, qka kemi përfituar ne si komunë konkretisht nga këto vizita? Pyetja e dytë është, cili ka qenë kontributi yt në fushatën e futbollit që e ke përmend në informatë dmth. roli yt te fusha e sportit cili ka qenë?

**z.Valon Januzi, drejtor i Administratës;** Nga pozita zyrtare vizita në Gjermani nënkupton një bashkupim, ku komuna jonë përfiton një Kamion për grumbullimin dhe transportin e mbeturinave, po ashtu edhe një Kamion për Zjarrfiksa. Ndërkaq sa i përket sportit kjo ka qenë vetëm në nivel bashkupimi.

**z.Muhamt Ademaj;** Mendoj se kjo informatë është e qartë, administrata po bën një punë të mirë, unë kam një pyetje, se kur pritet që të fillojë rexhistrimi i popullsisë?

**z.Valon Januzi, drejtor i Administratës;** Rexhistrimi pritet të fillojë në muajin Prill ose në Maj, në fakt fillimisht kemi disa faza fillestare ku nga niveli qendror do të na njoftojnë për realizimin e disa aktiviteteve, mirëpo disa obligime të më hershme i kemi përmbushur.

**z.Hamëz Tërshani;** Faleminderit për informatën, si drejtor kemi bërë raporte. Para dy vjetësh është diskutuar për veturat, i kemi kalkuluar për me i marrë me qira, tash unë po kërkoj një sqarim

prej teje. Duhet me pranuar që Komuna ka dështuar në funksionalizimin e E-kioskës e në e kana ble 12.000€.

**znj. Albana Podvorica;** Unë kam vërejtje të zyra e informimit, që të mos bëhet diskriminim sa i përket publikimit të informatave.

**z. Asllan Beqa;** Faleminderit për informatën, për sa i përket vizitës në gjermani po shihet që nuk kanë shkuar atje për shetitje por për punë zyrtare, e më vjen mirë që paska edhe donacione konkrete që u ndihmon në punë edhe kompanisë "Pastërtia" por edhe Zjarrfiksave, që është në të mirën e qytetarëve. Desha ta pyes Hamzën se a keni bërë ju përpara kërkesa për blerje të veturave?

**z. Hamëz Tërshani;** Jo ne kemi bërë kërkesë vetëm për marrje me qira të veturave.

**Kryesuesi, z. Adnan Ademi;** Pasi që diskutime tjera nuk kishe Kryesuesi mbledhjen e përfundoi në ora 18:18h

Procesmbajtësi  
Idajet Rexhepi



Kryesuesi i Kuvendit  
Adnan Ademi

